

GWERZ

ITRON VARIA ROSKELFEN

(Laniric)

— — — — —

WAR DON *Kantik Itron-Varia ar Parkou.*

DISKAN

*Itron Varia Roskelfen, Mamm vad hon tadou koz,
Plijet genac'h warnomp oll skuil ive ho peno^z.*

1. War vord parres zant Weltas, e bro ar Gernevet,
Eur geriadenn a gaver zo Roskelfen hanvet.
2. 'N eunn tu parkou ha glazur, rec'hier zonn enn tu-all,
Hag ar Blavez o tremen difonn enn he ganal.
3. Gwirvane a zo duhont uhel lein al lannek,
Hag ann Itron-Varia 'r Fons izeloc'h e Gouarek...
4. A viskoaz ann douar-ze tre beteg ar Sulon
A oe d'ar Werc'hes Vari hon Mamm hag hon Itron.
5. Enn hec'h enor eunn ilis, den na oar pegeit-zo,
Dre daouarn hon tadou koz a oe zavet eno.
6. Ha goude ken hir amzer, enn ilis Roskelfen,
D'he fed, leun a fians, e teuomp a vanden :
7. Mari zo hon *Gwir-Zikour*, enn draouien a daerou,
Daoust d'hon oll zempladures ha d'hon oll bec'hejou.
8. D'he meuli pa vemp dinec'h aman e tiredomp
Ha da ouelan dirag-hi pa goues anken warnomp.
9. Nag a glenvet ineou, nag a boaniou speret
A zo bet aman ganti 'n ec'h ilis pareet !
10. O pegen bras plijadur a garg hon daoulagad
Dal ma welomp ti hon Mamm kuzet e mesk ar c'hood !
11. Hon c'halon a drid enomp o klevet, dudius,
Mouez he c'hloc'h teir gwes bemde o son ann *Angelus*.

12. A vihanig hec'h hano lies a lavaremp
Ha 'n hec'h ilis d'he gwelet hastus e tiredemp.
13. Goude Jezus hon Zalver piv helfemp-ni karet
Kement hag eur Batrones ken dous enn hon andret ?
14. Setu perag e teskomp abred d'hon bugale
Anavet ha zerviji Rouanes ann ele.
15. Talvoudusoc'h a vo d'he hag eürusoc'h ive
Kerzad eün enn he lezen evit dastum leve.
16. Ar c'hrouadur a gar Mari enim blij gand he dud
O poanial er ger gante, pell eus gwall skuer ha brud.
17. Ann den iaouank he chilaou ve gwell gantan marvel
Evit offansi Doue dre eur pec'het marvel.
18. Evesad a ra bepret ha dreist pep tra d'ann noz
Eus techou fall he galon hag ar vignonet foz.
19. Pa rènfe hon Mamm dener war oll he bugale
Brav a vefe d'imp bevan ann eil gand egile.
20. Doujans Doue eus hon feurs a c'houlen da gentan,
Ha warlerc'h, gwir garantez e kenver ann nesan.
21. War-ann-dro pa vemp enn ti o laret hon Fater
E sonj d'imp bezan stouet e kichen hec'h oter.
22. Er parkou pa labouromp e seblant d'imp are
E tostoit d'hon bizitan, o Mamm a drugare !
23. Kement den e Roskelfen ve glac'haret pe glany
Pa lak he fians enoc'h a gav he boaniou skanv.
24. Rag kent pignal d'ann Envou beteg ho tron a c'hloar
Nag a wech eo bet mantret ho kalon war ann doar !
25. Eürus neb a dremeno he vue penn-da-benn
E skeud ilis ar Werc'hes endro da Roskelfen !
26. Eürusoc'h neb a varvo o c'hervel anezi
Hag a vo beiet he gorf er veret, tall he zi !
27. Eno beteg deiz ar varn na dous a vo kousket
Vel eur bugel gand e vamm n' he gavel huskellet.

Peden Roskelfenis d'ho Fatrones

1. Itron-Varia Wir-Zikour, breman klevet ouzimp ;
N'eo ket aour na plijadur digenac'h a fell d'imp.
2. Plijadures ar bed-man kouls hag ann aour melen
Netra na lez war he lerc'h nemet mez hag anken.
3. Gras Doue a c'houlenomp dreist ann oll vadou dall,
Gand-hi hepken e prener eürusted ar bed-all.
4. Bet truez ous hon re-vian, desket deze dibab
E mesk kement a henchou ann hent a blii d'ho Mab.
5. Dalc'het war hon re-iaquank ho taoulagad digor
Evit ma virent bepret ar Feiz hag ann enor.
6. Ni deus hon tu a bromet chom start enn hon c'hreden,
Kreiz hon bro, ha muioc'h c'hoas e toues ann dud estren.
7. Ni bromet enim lakat war bennou hon daoulin
D'ho saludi pa vo poent bep noz ha bep mintin.
8. Eus al labour difennet d'ar zul ni diwallo
Hag d'ann ilijou zantel joeüs ni a redo.
9. O c'hortos mont d'ann Envou d'ho meuli da viken
Goude bezan ho pedet war douar Roskelfen. *Amen.*

C. GUITTEREL,
Person Gouarek, 1901.

Gret a ve Pardon braz ann Itron Varia Roskelfen ar c'hentan zul a viz gouzeven,
hag ann deiz-ze, parosianis Gouarek a deu gand ho frozesion da welet ann Itron Varia
Roskelfen.

Ar Pardon bian a ve gret ann eisvet a vis gwengolo.

PEMZEK MISTER AR ROZERA

AR MISTERIOU A JOA.

WAR DON : *Eunn Doue hepken.*

- Zonjomp d'ar gentan dizenez
Er joa en devoa ar Werc'hez
Pa oe gand ann El zaludet
Da vezan Mamm Zalver ar bed.

DISKAN : *Ave...*

- ENN eil mister zellomp Mari
O kuitat he bro hag he zi
Evit gwelet Elisabeth
A douge zant Iann beniget.

- ENN driet mister hon Zalver
Zo ganet enn eur c'hraou dister,
Hag a lavar d'imp distagan
Hon c'halon eus traou ar bed-man.

- Er bevaret mister joauz
Ar Werc'hez gand he Mab Jezuz
En em offr enn Templ evidomp :
Gand-he da Zoue 'n em offromp.
- Er bempet mister ar Werc'hez
A gavas goude tri devez
He Mab e kreiz ann doctoret.
Leun a furnes hag a speret.

AR MISTERIOU A GEUZ.

WAR DON : *O Kalon Zakr...*

- Ar c'hetan mister truezuz
A zisko d'imp glac'har Jezuz
Beuet enn eur c'houezen a oad
Ha stouet o pedi he Dad.

DISKAN : *O Kalon Zakr, etc.*

- D'ann eil mister e oe freuzet
He gorf zantel a doliou fouet :
Evit hon pec'hejou mezuz
Ec'h andur eur boan ken euzuz.

- D'ann driet e oe kurunet
He benn zakr, hep true ebet,
Dre eur gurunen gret gant spern
D'hon diliyran deus ann ifern.

- Jezuz, er bevaret mister,
A doug e Groaz dre ruiou ker
Hag a gouez teir gwes d'ann douar
O vont etreseg ar C'halvar.
- Er bempet mister Mab Doue
A ro evidomp he vue :
Piou a vezo c'hoaz ken ingrad
Da offansi Jezuz ken mad !

AR MISTERIOU A C'HLOAR.

WAR DON : *Ni ho salud stereden.*

- Er c'hetan mister gloriuz
Kanomp meulodi da Jezuz :
Zavet eo bet dimeus ar be,
Herve he goms goude tri de.

DISKAN : *Ni ho salud, etc.*

- Jezuz enn eil mister a c'hloar
A deu da guitad ann douar :
Zevel a ra d'ar Baradoz ;
Eno ema ous hon gortoz.

- ENN driet mister me a wel,
Er zâl war benn an Ebestel,
Ar Spered Santel o tisken
Da rei d'he ners ha sklerijen.

- D'ar bevaret mister Mari
E kreis ar joa, ar veulodi
Korf hag ene a zo douget
D'ar Baradoz gand ann Elet.
- D'ar bempet e oe kurunet [det :
Mari hon Mamm gand ann Drein-
ENN Env breman, dirag Doue
N'ankouao ket he bugale.

EXPROPRIATOR :

Brioci, die 22 à Mai 1901.

M. LE PROVOST, vic. gen.